

題詠

太白雲氣

邑令紀瑛璿

高峯原峭立靈境復飄浮
秀不名仙島奇能幻蜃樓
煙嵐終日變洞府半天留
漫說金銀氣愚人恐妄求

鄧峯煙嵐

昔有仙人駐悠悠歲幾更
峯嵐皆著姓兄弟永傳名
異彩騰丹竈靈光現赤城
每逢明月下恍惚誦經聲

龍泉水鐘

日夜響鐘聲奇音借水成
泉從山上落龍在地中鳴

擊去飛千點敲來振一泓長教人猛省流韻起懷清

白馬跑泉

一水羣靈助奇蹤自古傳名駒知蟻穴真主得龍泉
流繞林之下源開漢以前至今乘馬過細溜尙涓涓

月翻落照

月出高峯蔽昏昏度幾更西斜山受彩東射谷生明
本是光翻壁渾疑魄照楹轉移多妙景不必問虧盈

栢巖夜明

古刹深林裏光明佛有徵千條山挂杖一粒夜傳燈

火不然藜借珠真照乘能人踪罕到處寶氣正飛騰
塔影三奇

落井稱奇處成三丈數兼插天連入地一坎列雙尖
隅反高深合才分上下占滄桑經幾代無損亦無添
雙松一影

矜說雙松異爭傳一影奇叅天非合抱印地卻連枝
根想神仙種陰驚日月移遺踪何處覓此叟本支離
李將軍

逐虎紛紛手搏虎功當王侯身爲虜一戰力保沙陀

穴縱然有過功能補怪事驚人車裂傳從此河東軍
不武一將存亡關盛衰豈是天數人難主流泣空有
獨眼龍忌才多少含沙弩不立奇功身不死不死不
冤不千古晉梁於今無寸土巋然獨存將軍府

武靈王墓

一人志雄一國變變能圖治亦肇亂忽治忽亂一身
見祇爭臨幾斷不斷一斷改服人習戰再斷獨上秦
王殿居然內靖弭外患非大英雄孰能辦忽脫戎裝
誤羅綺愛不能斷易儲子豈有弟坐兄跪理目覩不

忍悔心起分土分相伊胡底干戈已在蕭牆裏可憐
卧牀成乾肺英君竟爲愛兒死生前好奇死亦奇絕
食三日樹鳥知自謂善變有操持誰料局變任人爲
斷大事須順三綱那容逞雄屢反常勃焉而興忽焉
亡千古明鑒武靈王

談蔣侯忠節傳

人能辦一死方可宰百里幸逢世太平享福不知耳
披卷見蔣侯悽惻心難已海嶠一書生萬里來北鄙
邑令職安民戎政非所理大兵忽北來誰執咎致此

邊驚飛宜檄大吏無一紙關扼武將守敵馳平如砥
彈丸斗大城萬箭射堞雉民逃無二三空拳尙角牴
徒裂睢陽背疇削霽雲指被執見大帥挺挺立不跪
城破復何言惟有斫頭抵大帥亦異人不怒顏反喜
勸降語百端畧不加訶詆優待自殊常惜不諒人只
失地罪當誅偷生復誰齒帥縱不我殺我豈敢無恥
寸心實難違肅然振衣起大聲呼皇帝臣今力竭矣
完節三尺帛全忠一荒邱竟令鄉縛人亦稱奇男子
始學顏平原終步劉制使板蕩識忠臣允宜載國史

奈何俗吏多拘滯莫奏啟死節不見褒甯復有公是
卓哉宋公筆作傳敘端委事半由採訪詞更甚銘誄
湮沒已多年重得見奇偉蔣侯何如人持義無阿比
作宰未三年事事熱淚灑誓爲社稷臣終作忠義鬼
談之氣激昂頓覺塵念洗遭遇亦何常不朽全在已
瞑目只須臾立腳有根柢能以成仁終先從持義始
泰山與鴻毛所爭輕重裏生死臨當前自問何所倚
惟能持身正庶免失足悔幸逢世太平惕然謹素履

太白雲氣

賀裕

嶧縣舉人

氤氲青嶂裏縹緲白雲浮每訝鼇擎柱都疑蜃結樓
仙雲深處隱樵徑一痕留元氣渾茫在長生訣可求
鄧峯煙嵐

煙嵐蒼翠裏仙跡未全更洞府傳兄弟峯嵐著姓名
三千塵脫界十二碧開城化鶴雙雙去時聞梵唄聲
龍泉水鏡

驀地敲風去悠然雅韻成鐘知誰所叩風乃激之鳴
落葉飛千片寒煙破一泓僧樓人不見泉上月華清

靈山縣志
白馬跑泉

水派駝能識而今白馬傳四蹄頻蹴地一眼忽飛泉
勝蹟燕雲外奇踪魏晉前花驄今已去入耳響涓涓
月翻落照

有山宜有月月暗厯深更迨側橫斜勢方生嶺岫明
徑峯翻石壁倒影射簷楹閃爍餘光好何須皓魄盈
栢巖夜明

放大光明處靈巖佛可徵如如閒指月了了此傳燈
見性禪原覺觀心道本能琉璃開寶界慧目共超騰

塔影三奇

山跟脊并邃山畔塔相兼
流峙堪量丈高深宛合尖
枰心權不爽鼎足卦同占
三奇天地設尺寸漫刪添
雙松一影

影隻形單久松何獨擅
奇歌風雙鶴蓋映月一虬枝
變化身何幻堅貞骨不移
方知鴻爪印泥雪總迷離
李將軍

晉有將軍晉有士晉無將軍
梁成主搏虎將軍真猛
虎虎亡餘將皆如鼠
國家從來重功臣有功當議過

無論豈舍父子附仇人叩天應鑒此心眞萬里長城
竟自壞晉人流泣梁人快虎將胡爲鼠輩賣一時憤
憤千古怪有大功臣不能容英雄枉稱獨眼龍是非
祇是人心公故里蒸嘗廟貌崇

武靈王墓

皮靴革帶虬崢鬚兒戲强秦胆氣粗英雄宜學萬人
敵嬖愛吳娃胡爲乎夫人城上軍容肅庶弟冕旒嫡
兄哭吾王一僻亂天倫同室操戈慘骨肉日光黯淡
沙邱宮宮樹無聲雀卵空牀頭枯癯二十日可憐腐

臭同威公主父主父何無主靈不靈兮武不武魂魄
應媿大陵臺千古荒邱一抔土

靈邱縣補志第四卷之十

補遺志

按補志非重纂一切悉依舊式規模不便另列
條目所有舊志漏載之原有山川倉廩未載之
續增試院書院等謹遵

憲札另列補遺一門分敘志之以備採擇考証
而免舛錯遺漏

沿革

渾源州
廩生 孫汝霖 謹考

周威烈王二十三年戊寅晉大夫韓虔趙籍魏

斯三分晉地是邑屬趙西北邊尙未有邑至赧王八年趙始傳至武靈易服騎射數出境遊獵卒塋於此然猶未置邑也厯秦楚九十餘年至漢高十一年乙己冬命太尉周勃入代擊陳豨豨乃奔此破其軍因有武靈之邱始置邑名焉魏天平二年置恒州靈邱郡又置北靈邱郡領靈邱莎泉二縣後魏置靈邱郡後齊省莎泉入焉後周置蔚州又立大昌縣隋開皇初郡廢縣併入焉大業初州廢靈邱屬雁門郡唐置蔚州

興唐郡卽雁門郡之靈邱上谷郡之飛狐地唐
初沒突厥武德六年置州併置靈邱飛狐僑治
陽曲明年僑治繁峙又明年僑治秀容故北恒
州城均非靈邱故地貞觀五年破突厥復故地
焉至石晉割燕雲十六州以賂契丹而縣與焉
金爲成州元明俱隸蔚州

國初仍之至雍正六年蔚州改隸直隸宣化府而
靈邱遂屬大同府矣

宜入補遺志內

山川景物